

吳曾祺編

清史綱要
上冊

商務印書館發行

舊平裝

吳曾祺編

清史綱要
上冊

商務印書館發行

舊平裝

吳曾祺編

清史綱要
下冊

商務印書館發行

中華民國二年一月初版
中華民國二十三年十月國難後第一版

黃

四二六六上

版 翻
權 印
所 必
有 究

清史綱要二冊

(93523)

每部定價大洋壹元

外埠酌加運費隨費

編纂者 吳 曾 祺

發行兼
印刷者 商務印書館
上海河南路

發行所 商務印書館
上海及各埠

(本書校對者邱頌文)

例言

本書就前清一代事實擇其關係重大及足資考證者提綱挈要按年編次以供學校及自修者研究近代史之用且備修有清一代正史者參考之資

本書書法悉依後代修前朝史通例凡稱帝稱諡稱我依名從主人之例悉仍不改惟滿清未入主中華以前諸主或稱名或稱清主沒時稱殂至世祖以後則稱帝稱崩以清界限

凡人民抵抗官吏之舉動大都由政治不良而起即有一二魁傑但爲少數人謀私利並非救民水火亦究與尋常竊盜行爲不同在官書往往稱聚衆暴動者爲寇賊爲逆匪甚至有以此等字樣施之外國及別種部落本非受治者其實成則爲王敗則爲寇本無定位本書大半採自奏報公牘於此等稱謂就行文之便未能盡改惟已酌刪其尤甚者至明末諸帝事實清代官書奏報亦有稱爲賊寇及加僞字者則悉已刪改

雍乾諸帝文字之獄及戮辱宗室大臣等事及慈禧太后專政事實皆據事直書凡向來曲筆盡行刪除本書道光以前各卷脫稿於數年前故詞意既多遷就隱諱而頌揚粉飾之記載亦不能盡去付印時已由校訂者大加刪削改正但恐尚有遺漏及刪改未盡之處讀者不以詞害意可也

道光以前各卷由吳君會祺編輯咸豐以後各卷由同人續編雖體例之苟可仍用者皆仿照前例以歸一律惟事實則特別加詳且前後貫串以期每事之首尾均得完全記載蓋遠略近詳本史家通例故自十一卷以後卷帙稍繁

本書記載範圍均就事實之輕重爲斷如大學士雖無實權而位居百揆之首故除授出缺必書軍機處爲政權所自任免之際亦必詳著咸同以後外交日亟總理各國事務衙門實當交涉之衝地位之崇幾埒軍機故詳著其管理及行走之人同治兵興以來督撫權重故又書總督之除免光緒末年變更官制勵行中央集權於是又及各部尙書之遷調凡此皆就當時勢所趨重以爲詳略此外皆可以此類推編年記載之難於一代有名人物身沒之際往往綜其一生行事括爲小傳並加論贊本書亦略仿其例惟多採取通行可信之書所引必有來歷無一語爲編輯者以己意自撰至光緒中葉以後諸大臣雖於歷史上極有關係因爲時太近尙無翔實之記載可信之論定可以援引故僅著管贈予諡等典禮不復論述其生平

一本書所記均繫月日其日期不明者卽附於每月之下同日有數事者另行並列不再著甲子一向來文章家記事往往忽略時日官書奏報尤多遷就本書既係編年體裁不能不詳著月日惟或就事之始期或從宣布之日或綜記於事畢之際記載既不能一律卽不免有前後錯謬之處又有明知

重要之事例應記載而徧查失其年月竟至無從加入遂不得不暫闕者海內熟習前清掌故諸君能就所聞見詳晰開示俾再版時得更正加入實爲厚幸

清末民軍起事原委當議之中華民國開國史詳細記載故本書但就事實之結果撮要記錄不復窮其本末

一本書編輯非出一手參考之書既不能網羅無遺國史館實錄等存稿又不獲盡窺其間疏漏舛誤之處知不能免尙望海內宏達有以教之

目錄

卷一（起順治元年訖八年）	一
卷二（起順治九年訖十八年）	三七
卷三（起康熙元年訖二十三年）	六七
卷四（起康熙二十四年訖六十一年）	一一一
卷五（起雍正元年訖十三年）	一六七
卷六（起乾隆元年訖十九年）	二一一
卷七（起乾隆二十年訖四十年）	二四五
卷八（起乾隆四十一年訖六十年）	二八三
卷九（起嘉慶元年訖二十五年）	三一五
卷十（起道光元年訖三十年）	三六七
卷十一（起咸豐元年訖十一年）	四〇七
卷十二（起同治元年訖十三年）	四三九

清史綱要 目錄

二

卷十三（起光緒元年訖二十年）	四七九
卷十四（起光緒二十一年訖宣統三年）	五二九

清史綱要

卷一

滿洲先世。居長白山。山高二百餘里。綿亙千餘里。山上有潭曰闔門。周八十里。鴨綠混同愛澤三水出焉。相傳有布庫里雍順者。姓愛新覺羅氏。始居長白山之東。俄漠惠之野。鄂多理城。國號滿洲。數傳遭國人內亂。舉族被戕。幼子范察僅以身免。又數傳至都督孟特穆。後追諡肇祖原皇帝誘誅仇人。盡復故地。又三傳至都督福滿。後追諡興祖直皇帝生覺昌安。後追諡景祖翼皇帝盡收蘇克蘇辭河西二百里內諸部落。國勢始大。自都督孟特穆以下。皆居赫圖阿拉。距盛京二百七十里。是名興京。即明之建州右衛也。覺昌安生塔克世。後追諡顯祖宣皇帝塔克世生三子。長努爾哈赤。即太祖高皇帝也。當明萬歷十一年。有尼堪外蘭者。陰搆明總兵李成梁。引兵攻古勒城。城主章京阿太妻爲覺昌安長子禮敦之女。覺昌安聞有明兵。恐女孫遇害。偕塔克世往迎之。俱爲成梁所殺。努爾哈赤時年二十五。滿洲人稱之曰聰睿貝勒。起兵征尼堪外蘭。克圖倫城。尼堪外蘭走入明邊。遣人索之。明人執送努爾哈赤。遂與明通。明封努爾哈赤爲龍虎將軍。

是時諸國分裂。滿洲國之部五。蘇克蘇緡河。渾河。完顏棟鄂哲渾。長白山之部二。訥祿。東海。之部三。渥集瓦爾喀。庫爾喀。扈倫國之部四。葉赫。烏拉。輝發。哈達。皆金代部落之遺。努爾哈赤先統一滿洲五部。諸部懼。合兵來攻。是爲九國之師。努爾哈赤大破之。已而長白山東海諸部。先後皆擒服。而與扈倫爲敵國。哈達旋來降。烏拉輝發俱滅。惟與葉赫交兵。萬歷四十四年。貝勒等以努爾哈赤功德日盛。尊爲覆育列國英明皇帝。以是年爲天命元年。葉赫見諸國皆滅。恐不能自存。屢求援於明。明人亦欲扶植葉赫。以分其勢。故常以兵助之。努爾哈赤乃決意侵明。臨行書七罪告天。是爲第一次侵明之師。撫順清河相繼下。明人大恐。遣楊鎬經略遼東。分四路夾攻。努爾哈赤禦之薩爾緡山。覆其師二十萬。遂滅葉赫。明逮楊鎬治罪。以熊廷弼代之。廷弼始倡固守之策。滿洲亦罷兵年餘不攻。明人短廷弼者爭咎其怯。乃罷廷弼而用袁應泰。應泰不知兵。滿洲知經略易與。遂攻瀋陽。陷之。未幾遼陽亦破。自興京徙都焉。卽盛京也。

努爾哈赤在位十一年而殂。子皇太極立。卽太宗文皇帝也。改元天聰。此時蒙古插漢部林丹汗土馬彊盛。各部惡之。盡附於滿洲。皇太極親統大軍。出其不意。逾內興安嶺千三百里。直至其庭。林丹汗不戰而潰。走死於青海之大草灘。滿洲收其部落數萬而還。明年。其子額哲以傳國寶降於滿洲。於是蒙古四十九貝勒及七默特兩旗。合上尊號。改天聰十二年爲崇德元年。國號大清。崇德八年。皇太極殂。子福臨立。卽世祖章皇帝也。以明年爲順治元年。時福臨甫六歲。鄭親王濟爾哈朗睿親王多爾袞輔政。

順治元年甲申三月乙丑。清主命睿親王多爾袞爲奉命大將軍。率師取關山海關外地。並經略中原。先是二月初。明以流寇內逼。用薊遼總督王永吉議。盡棄關外諸城。召寧遠總兵平西伯吳三桂統邊兵入關。衛京師。三桂徙寧遠兵民五十萬衆而西。日行數十里。抵豐潤。聞燕京已陷。不敢前。又聞家口被掠於賊。而賊已遣降將唐通白廣恩率兵二萬東攻灤州。向山海關。乃回兵擊潰賊衆。急遣使至多爾袞軍前乞師。時多爾袞尙未至寧遠。得三桂書。卽日進兵。途次復得三桂趣兵之請。並程而進。距山海關外十里。李自成方自將精銳二十萬東擊三桂。又分二萬騎繞出關外夾攻。多爾袞令英王阿濟格豫王多鐸各將萬騎由東西水關分道入。而自以大軍繼進。敗賊前鋒於關外一片石。三桂率親兵五百出謁多爾袞。卽軍中雍髮爲誓。多爾袞令三桂兵各以白布繫肩爲號。三桂開關出擊賊。殺傷相當。翌日大戰。賊衆自北山橫互至海。滿洲與三桂兩軍對賊而陳。三桂軍其右。滿洲軍其左。尙不及賊陳之半。多爾袞命三桂先戰。衝其中堅。而滿洲軍蓄銳以待。是日自成挾明太子諸王於西山立馬觀戰。賊張兩翼圍三桂數重。三桂軍人人血戰。衝盪數十合。呼聲震海嶠。及午。塵沙山起。怒若雷霆。兵賊不辨。滿洲軍大呼者三。風止。阿濟格多鐸率鐵騎橫躍入陳。所向摧陷。俄塵開。賊見甲而辮髮者。曰滿洲至矣。自成策馬先走。羣賊望之皆潰散。逐北數十里。斬獲數萬。自成遁。五月己丑。多爾袞至燕京。故明文武諸臣皆出迎五里外。下令禁兵士入民家。百姓安堵。秋毫無犯。

爲明崇禎帝發喪。令官民各服喪三日。諭禮部太常寺以禮改葬。旋命設明長陵以下十四陵司香內使各官。

令在京內開六部都察院衙門官員。俱以原官同滿官一體辦事。其印信俱並鑄滿漢字。

己亥。捷奏至盛京。清主率鄭親王濟爾哈朗。暨諸王貝勒羣臣祭告天地。御殿受朝賀。頒詔朝鮮及蒙古。多爾袞定議建都燕京。遣輔國公屯齊喀和託等。齎奏奉迎。九月乙亥。清主發盛京。癸未。次廣寧。癸卯。駐通州。多爾袞率諸王貝勒貝子公及文武大臣迎駕。甲辰。清主至京師。

十月乙卯朔。清主親詣南郊。告祭天地。卽皇帝位。初頒時憲曆。頒詔中外。盡除明季加派稅餉廠衛諸弊政。

命文臣衣冠暫從明制。

己亥。律堂子於下河橋東。滿洲起自遼瀋。有設竿祭天之禮。又總祀社稷諸神祇於靜室。名曰堂子。加封多爾袞爲叔父攝政王。

丁卯。加封鄭親王濟爾哈朗爲信義輔政叔王。復肅親王豪格爵。晉封武英郡王。阿濟格豫郡王多鐸俱爲親王。貝勒羅洛宏爲衍禧郡王。碩塞爲承澤郡王。吳三桂孔有德耿仲明尚可喜俱受賜有差。

時明福王由崧已卽位於南京。改元宏光。由崧。神宗之孫。福王常洵子也。北京既覆。南京大臣議所立。皆

屬意潞王常清。風陽總督馬士英密與黃得功劉良佐高傑劉澤清等謀。以兵送福王至儀真。諸臣乃不敢異議。福王既立。遣其臣左懋第馬紹愉陳洪範齎書幣通聘於滿洲。並海運米五萬石銀五萬兩餉吳三桂軍。滿洲卻之。旋遣陳洪範南還。洪範於途次具密啓。請留同行之左懋第馬紹愉。自願率兵歸附。並招徠南中諸將。從之多爾袞致書史可法。招之降。可法報書不屈。

李白成之由山海關遁還京師。僭帝號於武英殿。盡滅三桂家。焚宮殿及九門城樓。詰旦。挾其子定永二王西走。時畿南土寇紛起。山西山東河南聞自成敗。皆殺賊官吏。復爲明。既而直隸巡撫衛國允沈文奎先後削平大名順德廣平山寨之賊。都統葉臣等出固關。進平三晉。所至迎降。擒僞伯陳永福於太原。敗僞總兵李過於大同。巡撫馬國柱進勦汾州平陽之賊。山西悉平。肅親王豪格駐軍濟南。遣兵破青州。斬賊趙應元。又平滿家洞之賊。山東諸郡悉平。自成已由晉入陝。清廷議大舉討賊。分兩路出師。以英親王阿濟格爲靖遠大將軍。同吳三桂尙可喜等。由大同邊外會諸蒙古兵赴榆林延安。出陝西之背。以豫親王多鐸爲定國大將軍。率孔有德等。由河南夾攻潼關。約會於西安。既而豫親王之軍以十二月渡孟津。走賊將張有聲於洛陽。收沿河寨堡。進陝州。破賊將張有曾於靈寶。盡收關外地。自成盛兵潼關。爲守禦計。

十一月。以湯若望掌管欽天監。

以中原平定。遣朝鮮國入質世子李湜歸國。

十二月辛巳。有劉姓者。自稱明崇禎太子。內監楊玉爲易服。送至故明周后父周奎家。時崇禎帝公主亦在奎所。相見掩面泣。奎奏聞。令內院傳故明貴妃袁氏及東宮內監官屬等辨視。皆不識。問以宮中舊事。亦不能對。因下法司覆勘。稱爲假冒。楊玉等十五人皆棄市。

順治二年乙酉。朝鮮來貢。天命之世。明兵來攻。朝鮮以兵助明海蓋軍。明兵敗。朝鮮大將姜宏立降。旋歸之。朝鮮不報謝。屢出師襲沿海城寨。天聰元年。命貝勒阿敏率師往征朝鮮。遣使議和。約爲兄弟之國。及皇太極受尊號。獨朝鮮不肯擁戴。遂親率師往征。朝鮮諸道皆沒。國王李倬懼。屢上書請成。詔令其納明所給誥命冊印。委身歸命。實二子。奉正朔。歲時貢獻表賀。一如明制。倬頓首受命。乃班師。皇太極殂。遺詔免其歲貢三之一。至是。聞定鼎燕京。人貢。自後歲以爲常。

宣化巡撫李鑑以赤城道朱壽鋆貪酷不法。將劾奏之。英王阿濟格爲之言。鑑不爲動。帝聞之。抵壽鋆罪。賞李鑑鞍馬貂裘各物。並以壽鋆家產給之。

二月。給事中向玉軒奏。民間墳墓有在滿洲圈占地內者。許其子孫隨時祭掃。從之。

御史傅景星奏。民房應給旗下者。當寬以限期。俟其搬移。始令旗人管業。下部速議。

多鐸奏。大軍抵西安。李白成遁商州。多鐸初抵潼關。自成遣其大將劉宗敏據山爲陳。清軍大礮未至。遣

前鋒三千。距關三十里。據堡立營。宗敏圍之三日夜。人馬寂然。賊莫測所以。不敢擊。及師大集。自成始出關迎戰。三千騎從中起。表裏夾擊。大敗之。會大礮亦至。遂進逼潼關。賊鑿重壕以拒。屢出銳卒繞清軍後。皆爲清奇兵及殿後兵所破。而阿濟格一軍。已從保德州結筏渡河。入綏德。走李錦。克延安。鄜州。逼西安之北。自成腹背受敵。遂棄關。遁入西安。守關賊馬世堯以衆七千降。遂克潼關。越二日。抵西安。自成已先五日焚宮室。由藍田出武關走湖廣。清兵水陸躡其後。破之於江北之鄧州。承天德。安江南之武昌。九江者凡七。自成後自離其大隊。以十餘騎入禱九宮山。爲鄉民所殺。

己未。令豫親王多鐸移師取江南。英親王阿濟格等追勦餘寇。仍以英親王受命討賊。枉道越境。過十數特鄂爾多斯地方。妄行索取。轉而入邊。以致逗留。嚴行申飭。

己巳。以祁充格爲內弘文院大學士。

三月。禮部奏請直省府州縣學生員。應令各學選拔文行兼優者。大學二名。小學一名。送國子監肄業。聽監臣考課。仍以貢監名色量送應試。從之。

四月甲子。命葬故明太監王承恩於故主陵旁。給香火地六十畝。仍建立碑額。以旌其忠。諭各處莊頭人等。有違法禁。擅害鄉村。勒價強買。公行搶奪者。嚴行治罪。

初行武會試。

五月。命內三院大學士馮銓洪承疇李建泰范文程剛林祁允格等纂修明史。

庚戌。宣平定江南捷音。豫王多鐸以本年三月統兵出虎牢關。分遣岡山額真拜尹圖出諸門關。尙書韓岱由南陽進軍。三路同趨歸德。時河南義旅劉洪起蕭應訓李際遇之屬。擁衆各四五萬。山東又有凌駟謝陞等。各起兵收復郡縣。聲勢相應。福王庸懦。不以國事爲意。委政於馬士英。士英尤貪鄙。忌史可法。出之於外。使督師江北。而引用魏忠賢餘黨阮大鍼。使筦戎政。上下解體。士英以江北分四鎮。劉澤清駐淮安。高傑駐瓜州。黃得功駐儀徵。劉良佐駐壽春。議畫淮而守。會有自北來者。自稱太子。訊之。爲王之明。乃下之獄。而士民堅執爲眞。衆口藉藉。寧南侯左良玉擁重兵在武昌。素與士英不協。乃以擁護太子爲名。引兵南下。士英急召四鎮兵入衛。於是沿淮乃無一兵。清兵自歸德府啓行。許定國誘殺高傑。與李際遇先後納款。約爲鄉導。清兵破泗州。遂渡淮。駐兵揚州城北。可法初率師入援。至瀕口。聞警奔還。急召防河兵皆不至。獨督總兵劉肇基等兵二萬人城固守。多鐸屢爲書招可法使降。不應。遂命進攻。城陷。可法死之。清兵留十日。屠之而南。

五月初。師至揚子江。相持三日。清兵編巨筏。夜置燈火。放之中流。明軍礮擊之。日報虛捷。清兵乘霧夜渡。數百騎。據阜鳴螺樹幟。防江兵皆潰遁。清軍方舟畢濟。留左翼兵據瓜州北岸爲聲援。遂陷鎮江。自丹陽句容直抵南京。營於郊壇之北。福王已先三日率太監宮人夜開通濟門走蕪湖。馬士英阮大鍼走杭州。